

PU Tuzla/PS Zapad - Uspješna potjera

14.02.2019 10:54

Dana 14.02.2019 godine oko 00:00 sati, službenici policije PS Zapad su u ulici Rudarska nakon uočenog prekršaja pokušali da zaustave PMV marke Škoda Octavija-karavan, vlasništvo E. B. iz Tuzle. Vozač navedenog vozila se oglušilo na znak OSL te je nastavilo kretanje u pravcu raskrsnice Irac. S ciljem zaustavljanja pomenutog vozila, vozilo je praćeno sa uključenim svjetlosnim i zvučnim signalima. Dolaskom u raskrsnicu na Ircu iz pmv. Škoda-Oktavija, kroz prozor suvozača, NN lice je ispalilo nekoliko hitaca iz pištolj nakon čega se velikom brzinom udaljilo u pravcu Bukinja.

Sobzirom na opasnost i rizike u datom momentu u potjeru navedenog vozila uključena je i JSP MUP TK-a. Tokom potjere za navedenim vozilom iz istog je u više navrata pucano kroz prozor. Vozilo je skrenulo u Lipnicu u ulici Ozrenska gdje se zaustavilo i iz njega su izašla 4 muška NN lica, dok je jedno od njih odbacilo pištolj. U tom trenutku vozač u Škodi-Oktaviji istom kreće u pravcu službenog vozila MUP-a TK-a. U namjeri da izbjegnu direktan kontakt sa vozilom koje im se približavalo, službenici policije su vožnjom unazad pokušali da izbjegnu kontakt, kojom prilikom su sletjeli sa kolovoza u kanal, a pmv Škoda-Oktavija se udaljila sa lica događaja. U travi gdje je predmetno vozilo bilo parkirano pronađen je odbačeni pištolj. Utvrđeno da se radi o gasnom pištolju. Odmah zatim pronađena su 4 NN lica koja su stavljena pod kontrolu a radi se o: S. M. rođen 1983 godine iz Tuzle, dva šasnaestogodišnja lica i jedan sedamnaestogodišnjak. U mjestu Plane od strane JSP MUP TK zaustavljeno je pmv Škoda-Oktavija kojom je upravljao A. D. rođen 2000 godine iz Tuzle. Također je zaustavljeno i PMV marke BMW kojim je upravljao Z. K. rođen 1997 godine, a na mjestu suvozača se nalazio B.B. rođen 1998 godine, oba iz Tuzle. Lica su stavljena pod kontrolu jer se sumnja da je jedan od navedenih u vrijeme incidenta bio u PMV Škoda Octavija. Prilikom slijetanja službenog vozila dva službenika policije zadobila su LTP, a na vozilu je nastupila materijalna šteta.

O navedenom događaju je obaviješten dežurni tužilac Kantonalnog tužilaštva TK, dok potrebne mjere i radnje na dokumentovanju navedenog događaja poduzimaju službenici OKP PU Tuzla.

*Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>*